



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

6. Sanctissimus in Christo &c. Regulæ Ordinationes & Constitutiones,
Cancellariæ Apostolicæ SS. D. N. Innocentii Divina Providentia PP. XII.

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

Derogatur
contrariis.

quam quavis auctoritate scienter vel ignoranter contigerit attentari.

§. 5. Non obstantibus præfatis Innocentii Prædecessoris Litteris, aliisque Constitutionibus, & ordinationibus Apostolicis, nec non, quatenus opus sit, Congregationis, & Ordinis præfatorum, etiam juramento, confirmatione Apostolica, aut quavis firmitate aliâ roboratis Statutis, & consuetudinibus; privilegiis quoque, indultis, & Litteris Apostolicis in contrarium præmissorum quomodolibet concessis, & innovatis. Quibus omnibus, & singulis, illorum tenores præsentibus pro plenè, & sufficienter expressis, & insertis habentes, illis aliis in suo robore permanfuris, ad præmissorum effectum hæc vice dumtaxat specialiter, & expresse derogamus, cæterisque contrariis quibuscumque.

Fides
transsum-
ptorum.

§. 6. Volumus autem, ut earumdem præsentium Litterarum transumptis, etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides habeatur, quæ ipsis præsentibus haberetur, si forent exhibitæ, vel ostensæ. Datum Romæ apud S. Mariam Majorem sub Annulo Piscatoris, die 18. Julii 1691. Pontificatus Nostri Anno Primo.

D. 18. Julii
1691. P.A.
Primo.

VI.

Regulæ, Ordinationes, & Constitutiones Cancellariæ Apostolicæ SS. D. N. INNOCENTII Divinâ Providentiâ PP. XII.

Sanctissimus in Christo Pater, & D. N. D. Innocentius Divinâ Providentiâ Papa XII. suorum Prædecessorum vestigiis inhærendo, normam, & ordinem rebus gerendis dare volens, in crastinum suæ Assumptionis ad summum Apostolatus apicem, videlicet, die tertiâ decimâ mensis Julii Anno ab Incarnatione Domini millesimo sexcentesimo nonagesimo primo Reservationes, Constitutiones, & Regulæ infra scriptas fecit, quas etiam ex tunc, licet nondum publicatas, & suo tempore duraturas observari voluit, ac quas Nos Petrus S. Laurentii in Damaso Cardinalis Ottobonus S. R. E. Vicecancellarius die vigesimâ primâ ejusdem mensis in Cancellariâ Apostolica publicari fecimus.

Reservationes Generales, & Speciales.

I. In primis fecit easdem Reservationes, quæ in Constitutione fel. recordationis Benedicti PP. XII. quæ incipit, Ad Regimen, continentur, & illas innovavit, ac locum habere voluit, etiam si Officiales in eadem Constitutione expressi Apostolicæ Sedis Officiales ante obitum eorum esse desierint, quoad Beneficia, quæ tempore, quo Officiales erant, obtinebant. Declarans nihilominus Beneficia, quæ dictæ Sedis Officiales, qui ratione Officiorum suorum hujusmodi ejusdem Sedis Notarii erant, etiam dimissis ipsis Officiis, & quodocunque assecuti fuerint, sub hujusmodi reservationibus comprehendendi. Ac reservavit Beneficia, quæ per Constitutionem piæ mem. Joannis Papæ XXII. quæ incipit, Execrabilis, vacant, vel vacare contigerint. Quam Constitutionem, & Reservationem S. S. tam ad Beneficia obtenta, quam alia quæcumque, de quibus Ordinarii, & alii Collatores contra Concilii Tridentini Decreta disposuerunt, & disponent in futurum extendit, & ampliavit, & ea etiam Beneficia omnia dispositioni suæ reservavit, de quibus per dictos Ordinarios, aut alios Collatores contra ejusdem Concilii Decretorum formam dispositum fuerit. Decernens, irritum, &c.

Reservatio Cathedralium Ecclesiarum, & Monasteriorum, ac de tempore vacationis Episcopatum vacantium Beneficiorum.

II. Item reservavit generaliter omnes Ecclesias Patriarchales, Primatiales, Archiepiscopales, Episcopales, nec non omnia Monasteria Virorum, valo-

rem annuum ducentorum florenorum auri communi estimatione excedentia, nunc quomodocunque vacantia, & imposterum vacatura. Et voluit, quod excessus hujusmodi in Litteris exprimat. Ac etiam reservavit Dignitates, & Beneficia omnia ad collationem, præsentationem, electionem, & quamcumque aliam dispositionem Patriarcharum, Primatum, Archiepiscoporum, & Episcoporum, nec non Abbatum, ac aliorum quorumcumque Collatorum, & Collatricum, Secularium, & Regularium quomodolibet (non tamen ad collationem cum alio, vel aliis, aut etiam ad alterius præsentationem, vel electionem pertinentia) quæ post illarum obitum, aut Ecclesiarum seu Monasteriorum, vel aliarum dignitarum suarum dimissionem, seu amissionem, vel privationem, seu translationem, vel aliâ quomodocunque vacaverint, usque ad provisionem Successorum ad easdem Ecclesias, aut Monasteria, vel Dignitates Apostolicâ auctoritate faciendam, & adeptam ab eisdem Successoribus pacificam illorum possessionem quomodocunque vacaverint, & vacabunt in futurum. Decernens irritum, &c.

Extensio reservationis Beneficiorum per assecutionem pacificam vacantium.

III. Item, si qui de Beneficiis Ecclesiasticis, præsertim curam animarum habentibus, seu aliâ personalem residentiam requiruntibus, dum pro tempore vacant, Apostolicâ auctoritate provisi, seu providendi, ante illorum assecutionem alia cum eisdem incompatibilia Beneficia Ecclesiastica, per eos tunc obtenta, in fraudem reservationis suæ resignarent, seu dimitterent, voluit, decrevit, & declaravit, quod si imposterum quibusvis personis de aliquibus Beneficiis Ecclesiasticis, tunc vacantibus, seu vacaturis per Sanctitatem Suam, aut ejus auctoritate provideri, ipsosque providendos intra vacationis, & provisionis, seu assecutionis eorumdem Beneficiorum tempora, quæcumque alia cum illis incompatibilia Beneficia Ecclesiastica secularia, vel quorumvis Ordinum, ac etiam Hospitalium, Regularia per eos tunc obtenta, nullâ speciali, & expressâ de eisdem in provisionibus prædictis factâ mentione simpliciter, vel causâ permutationis, ac aliâ quomodolibet, si vè in Sanctitatis Suæ, vel alterius Romani Pontificis pro tempore existentis, aut Legatorum, vel Nunciorum dictæ Sedis, si vè Ordinariorum, vel aliorum Collatorum quorumcumque manibus resignare, seu dimittere, aut juribus sibi in illis, vel ad illa competentibus concedere contigerit, omnes, & singulâ concessiones, collationes, provisiones, & quavis aliâ dispositiones, de Beneficiis, seu juribus sic resignandis, dimittendis, & cedendis pro tempore faciendæ, cum inde sequutis quibuscumque, cassæ, & irritæ, nulliusque roboris, vel momenti existant, nec cuiquam suffragentur, sed Beneficia, & jura, ut præfertur, resignata, dimissa, & cessa eo ipso vacant, ac sub reservatione prædictâ, quam Sanctitas Sua, etiam quoad hoc extendit, & ampliavit, comprehendit censeantur. Ita quod de illis per alium, quam per eandem Sanctitatem Suam, vel pro tempore existentem Romanum Pontificem nullatenus disponi possit, in omnibus, & per omnia perinde, ac si per pacificam assecutionem Beneficiorum aliorum hujusmodi verè ac realiter vacavissent. Ac ulterius voluit Beneficium, de quo resignans fuerit auctoritate Apostolicâ provissus, ac per cujus assecutionem Beneficia vacare debebant, ut prius vacare, perinde, ac si collatio favore resignantis facta non fuisset, salvis tamen quibuscumque juribus competentibus alteri parti, ad cujus favorem facta esset resignatio, etiam ex causâ permutationis, summarie, simpliciter, & appellatione remotâ exercendis. Decernens irritum &c, attentari.

Refer-

Reservatio Dignitatum, nec non suorum & S. R. E. Cardinalium familiarium, Beneficiorum.

IV. Item reservavit generaliter dispositioni suae omnes dignitates majores post Pontificales, in Cathedralibus, etiam Metropolitanis, & Patriarchalibus, nec valorem decem florenorum auri communis aestimatione excedentes principales in Collegiatis Ecclesiis. Reservavit etiam Prioratus, Praeposituras; Praepositatus, ac alias Dignitates Conventuales, & Praeceptorias Generales Ordinum quorumcunque (sed non Militarum,) ac quaecunque Beneficia: quae sui, etiam dum Cardinalatus fungebatur honore, existentes, ac S. R. E. viventium nunc & qui erunt pro tempore Cardinalium familiares, continui commensales obtinent, & impofterum obtinebunt eorum familiaritate durante, ac in quibus, seu ad quae jus eis competit aut competierit, etiam si ab ipsa familiaritate per obitum Cardinalium eorumdem, vel alias recesserint. Declarat Dignitates, quae in Cathedralibus, etiam Metropolitanis, post Pontificales non majores existunt, & quae ex Apostolica Sedis Indulgentia, vel ordinaria auctoritate, aut consuetudine praescripta, vel alias quovis modo in quibuscunque Collegiatis Ecclesiis principalem praesinentiam habere noscuntur, sub reservatione praedicta comprehendere debere. Decernens irritum, &c.

Reservatio Beneficiorum Collectorum, & Subcollectorum.

V. Item reservavit generaliter omnia, & singula Beneficia Ecclesiastica quorumcunque Collectorum, & Unicorum in quacunque Civitate vel Dioecesi, qui suo tempore Officia exercuerint, Subcollectorum fructuum, & proventuum Camerae Apostolicae debitorum, illa videlicet Beneficia dumtaxat, quae durante eorum Officio obtinebant, & in quibus, seu ad quae jus eis competeat, Decernens irritum, &c.

Reservatio Beneficiorum Curialium, dum Curia transfertur.

VI. Item reservavit omnia, & singula Beneficia Ecclesiastica quorumcunque Curialium, quos, dum Curia Romana de loco ad locum transfertur, eam sequendo decedere contigerit in quovis loco, quantumcunque etiam a dicta Curia remoto. Decernens irritum, &c.

Reservatio Beneficiorum Cubiculariorum & Cursorum.

VII. Item reservavit generaliter idem D. N. PP. dispositioni suae omnia Beneficia Cubiculariorum, etiam honoris nuncupatorum, ac Cursorum suorum, declarans in Praedecessorum Suorum Romanorum Pontificum Constitutionibus, & Regulis reservatoris Beneficiorum Cubiculariorum, etiam Cubicularios honoris nuncupatos, etiam a die earum editionis, & publicationis intelligi, & comprehendere, ac comprehensos fuisse, & esse. Irritum, attentari decernens.

Reservatio Beneficiorum Ecclesiarum S. Joannis Lateranen. & S. Petri, ac Beatae Mariae Majoris de Urbe, & Beneficiorum titularum Cardinalium a Curia absentium.

VIII. Item reservavit dispositioni suae generaliter quoscunque Canonicatus, & Praebendas, ac Dignitates, Personatus, & Officia in S. Jo. Lateranensis, & Principis Apostolorum, ac Beatae Mariae Majoris de Urbe Ecclesiis, nec non ad collationem, provisionem, & praesentationem, seu quamvis aliam dispositionem S. R. E. Cardinalium a Romanam Curiam absentium ratione suorum Episcopatum, Cardinalatus, ac ipsorum Cardinalium titularum, & Diaconiarum spectantia, quamdiu absentia hujusmodi duraverit, Canonicatus, & Praebendas, Dignitates, Per-

sonatus, Administrationes, & Officia, caeteraque Beneficia Ecclesiastica cum cura, & sine cura vacantia, ac in antea vacatura, tam in eadem Urbe, quam in Ecclesiis, Civitatibus, ac Dioecesebus dictorum Episcopatum consistentia, ac decrevit irritum &c.

Reservatio mensium Apostolicorum, & Alternativa pro Episcopis residentibus.

IX. Item cupiens SS. D. N. PP. pauperibus Clericis, & aliis benemeritis personis providere, omnia Beneficia Ecclesiastica cum cura, & sine cura, Secularia, & quorumvis Ordinum Regularia qualitercunque qualificata, & ubicunque existentia in singulis Januarii, Februarii, Aprilis, Maji, Julii, Augusti, Octobris, & Novembris mensibus, usque ad suae voluntatis beneplacitum, extra Romanam Curiam alias, quam per resignationem quocunque modo vacatura, ad collationem, electionem, & quamvis aliam dispositionem quorumcunque Collatorum, & Collatricum Secularium, & quorumvis Ordinum Regularium (non tamen S. R. E. Cardinalium, aut aliorum sub Concordatis inter Sedem Apostolicam, & quocunque alios initis, & per eos, qui illa acceptare, & observare debuerant acceptatis, & observatis, quae laedere non intendit, comprehensorum) quomodolibet pertinentia, dispositioni suae generaliter reservavit. Volens in supplicationibus, seu concessionibus gratiarum, quae de dictis Beneficiis tunc vacantibus, etiam motu proprio fient, de mense, in quo vacaverint, dispositivam mentionem fieri; alioquin gratias nullas esse. Ac consuetudines, etiam immemorabiles optandi majores, & pinguiore Praebendas, nec non privilegia, etiam in limine erectionis concessa, & indulta Apostolica circa ea, ac etiam disponendi de hujusmodi Beneficiis, aut quod illa sub hujusmodi reservationibus nunquam comprehendantur, etiam cum quibuscunque derogatoriis derogatoriis, & fortioribus, efficacioribus, & insolitis clausulis, nec non irritantibus, & aliis Decretis, quorum tenores pro expressis haberi, & latissime extendi voluit, quibuscunque personis, & Collegiis, cujuscunque dignitatis, status, gradus, Ordinis, & conditionis existentibus quomodolibet concessa, adversus reservationem hujusmodi minime suffragari. Insuper Sanctitas Sua ad gratificandum Patriarchis, Archiepiscopis, & Episcopis intenta ipsis, quamdiu apud Ecclesias, aut Dioeceses suas verè, & personaliter resederint, dumtaxat de omnibus, & quibuscunque Beneficiis Ecclesiasticis cum cura, Secularibus (ad liberam ipsorum dumtaxat, non autem aliorum cum eis dispositionem, seu praesentationem, vel electionem, nec etiam cum consilio, vel consensu, seu interventu Capitulorum, vel aliorum, aut alias pertinentibus) quae in antea in mensibus Februarii, Aprilis, Junii, Augusti, Octobris, & Decembris extra Curiam ipsam vacare contigerit (dummodo alias dispositioni Apostolicae reservata, vel affecta non fuerint) liberè disponendi facultatem tempore sui Pontificatus tantum duraturam concessit. Ac etiam voluit, ut si ipsi in collatione, aut alia dispositione Beneficiorum in aliis sex mensibus, videlicet Januarii, Martii, Maji, Julii, Septembris, & Novembris vacaturorum, quae etiam dispositioni suae, ut praefertur, reservavit, seu etiam aliorum dispositioni suae, & dictae Sedis alias quomodolibet reservatorum, vel affectorum sese intromiserint, aut quominus provisiones, & gratiae Sanctitatis Suae de illis debitum effectum consequantur, impedimentum quoquomodo praestiterint, usu, & Beneficio praedictae facultatis, eo ipso privati existant, ac collationes, & aliae dispositiones de Beneficii illius praetextu deinceps faciendae nullius sint roboris vel momenti. Illi verò qui gratiam alternativae praedictae acceptare voluerint, acceptionem hujusmodi per patentes Litteras manu propria subscriptas, suoque sigillo munitas, & in sua quisque civitate,

vel

vel Diocesi datas declarare, & Litteras ipsas huc ad Datarium Sanctitatis Suae transmitti teneantur, quibus ab eo receptis, & recognitis, ac in libro ad id deputato registratis, tunc demum, & non antea uti incipiant gratia supradicta. Insuper declaravit, quod si idem Episcopus pluribus Ecclesiis quomodocunque unitis ex Apostolica concessione, & dispensatione quomodocunque praestit, teneatur huiusmodi alternativae gratiam, quatenus ea potiri velit, utriusque Ecclesiae nomine explicitè acceptare, alias illi non suffragetur. Et post factam acceptationem, & admissionem in Dataria neutri parti liceat nisi concordia consensu ab ea recedere. Declarans praeterea, exceptionem positam in Regula favore S. R. E. Cardinalium, & indultum conferendi Beneficia reservata concessum Cardinali Episcopo, non suffragari Capitulo ratione communis, & confortii juxta declarationem fel. rec. Urbani PP. VIII. Praedecessoris Sui editam die decima Septembris anno millesimo sexcentesimo vigesimo sexto, quam Sanctitas Sua in omnibus, & per omnia approbat. Decernens sic in praemissis omnibus per quoscumque &c. judicari debere, ac irritum, &c.

De Litteris in formâ, rationi congruit, expediendis.

X. Item voluit idem D. N. Papa, quod concessa per fel. rec. Alexandrum Octavum Praedecessorem suum, & de ejus mandato expediantur in forma, rationi congruit &c. sub die Coronationis suae, ut moris est, & idem quoad concessa per pia mem. Innocentium XI. etiam Praedecessorem suum ad sex menses dumtaxat, ab ipso die Coronationis incipiendos observari voluit.

Declaratio reservationis Ecclesiarum & Beneficiorum per Praedecessores reservatorum.

XI. Item declaravit omnium, & singularum Ecclesiarum Cathedralium, & Monasteriorum provisiones, quas praedicti Praedecessores sui, ordinationi & dispositioni eorum, nec non omnia, & singula Beneficia Ecclesiastica, quae dicti Praedecessores etiam praedictae dispositioni cum interpositione Decreti reservaverant (quae quidem Ecclesiae Monasteria, nec non sic reservata Beneficia tempore obitus eorumdem Praedecessorum vacabant, aut Ecclesiae ipsae, vel Monasteria huiusmodi, si commendata, vel eis Administratores deputati non fuissent, etiam tunc vacassent, remansisse, & remanere per huiusmodi reservationem, & Decretum affecta, nullumque de illis praeter Romanum Pontificem ea vice se intrinicare, vel disponere potuisse, si vel posse quoquo modo, decernens irritum, & inane, si secus super illis attentatum forsan erat tunc, vel imposterum contingeret attentari.

Revalidatio Litterarum Praedecessoris gratiae, & iustitiae infra annum concessarum.

XII. Item praedictus D. N. omnes & singulas ab Alexandro VIII. Romano Pontifice Praedecessore suo infra annum ante diem ejus obitus concessas gratiae vel iustitiae Litteras temporibus debitis earum Executoribus, seu Judicibus non praesentatas omnino revalidavit, & in statum pristinum, in quo videlicet antea fuerant, vel pro quibus erant obtentae, quoad hoc plenarie restituit, ac decrevit per Executores seu Judices praedictos, vel ab eis subdelegandos ad expeditionem negotiorum in eis contentorum procedere posse, & debere juxta illarum formam.

Revocatio Unionum.

XIII. Item rationabilibus suadentibus causis ipse D. N. omnes uniones, annexiones, incorporationes, suppressiones, extinctiones, applicationes, & dissiminationes, etiam perpetuas, de quibusvis Cathedralibus, nec non aliis Ecclesiis, Monasteriis,

Dignitatibus, Personatibus, Officiis, & Beneficiis Ecclesiasticis eorumque domibus, praediis, & locis per cessum, vel decessum, aut aliam quamvis dimissionem, vel amissionem, qualiacumque fuerint invicem, vel aliis Ecclesiis, Monasteriis, & Mensis etiam Capitularibus, Dignitatibus, Personatibus, Officiis, Beneficiis, ac piis, & aliis locis, Universitatibus, etiam studiorum generalium, & Collegiis, etiam in favorem S. R. E. Cardinalium seu Ecclesiis, Monasteriis, & Beneficiis per eos obtentis quomodolibet Apostolicis, vel alia quavis (non tamen Concilii Tridentini auctoritate, nec non pro fundatione, seu dotatione, augmento, vel conservatione Collegiorum & aliorum piorum, & Religiosorum locorum ad Fidei Catholicae defensionem, & propagationem, bonarumque artium cultum institutorum factas, quae suum non sunt sortitae effectum. Ac quaecumque concessionem, & mandata super unionibus, annexionibus, incorporationibus, & aliis praemissis taliter faciendis, revocavit, cassavit, & irritavit, nulliusque decrevit existere firmitatis. Nec alicui quascumque clausulas, adjectiones, aut Decreta, quae Sanctitas Sua pro expressis haberi voluit in quibusvis Apostolicis, etiam quae motu proprio, aut ex certa scientia, & confistorialiter processerunt, & emanarunt Litteris, etiam si in eis decretum esset illas ex tunc effectum sortitas esse, aut jus quassum fore, quomodolibet contentae, adversus revocationem, & irrationem huiusmodi voluit aliquatenus suffragari. Decernens irritum &c.

Revocatio Facultatum quibusvis concessarum.

XIV. Item revocavit quascumque Facultates concessas quibusvis Patriarchis, Archiepiscopis, Episcopis, & Personis, nec non Apostolicae Sedis Nunciis, ac fructuum, & proventuum Camerae Apostolicae debitorum Collectoris de dispensando cum quibusvis personis super matrimonio contracto, vel contrahendo in gradu prohibito, ac natalium, & aetatis defectibus, & de incompatilibus Beneficiis Ecclesiasticis insimul retinendis, nec non de Notariis publicis creandis, ac de disponendo quomodolibet de quibusvis Beneficiis Ecclesiasticis, & aliis a praemissis officia ipsorum Nunciorum, & Collectorum directe non concernentes, etiam si in Litteris desuper confectis sint clausulae restitutionis, & derogatoriarum derogatoriae, & aliae efficaciores, quas pro expressis haberi voluit quoad omnia, in quibus facultates ipsae non sunt sortitae effectum, etiam si Nunciis eisdem, dictae Sedis Legatis de Latere competens sit concessa potestas. Decernens irritum &c.

Revocatio Facultatum conferendi Beneficia reservata.

XV. Item revocavit quascumque facultates, & Litteras desuper confectas, per quas quicumque sui Praedecessores Romani Pontifices quibusvis personis ordinariam collationem, seu aliam dispositionem Beneficiorum Ecclesiasticorum de jure, vel consuetudine habentibus, & quavis etiam Patriarchali, Episcopali, vel alio, non tamen Cardinalatus, honore fulgentibus quavis consideratione, vel intuitu, etiam motu proprio, & ex certa scientia, ac de Apostolica potestate plenitudine cum quibusvis clausulis, etiam derogatoriarum derogatoriis, ac irritantibus & aliis Decretis, quorum tenores haberi voluit pro expressis, concesserant, ut quamdiu viverent, vel suis Ecclesiis seu Monasteriis praesent, aut ad aliud tempus de Beneficiis Ecclesiasticis generaliter reservatis, seu affectis ad eorum collationem, provisionem, praesentationem, electionem, & quamvis aliam dispositionem communiter vel divisim spectantibus disponere libere & licite valerent, aut etiam ad id per eosdem Praedecessores Vicarii perpetui vel ad tempus constituti forent; Decernens irritum & inane &c.

De dictionibus numeralibus.

XVI. Item ut in Apostolicis Litteris committendi crimen falsi per amplius tollatur occasio, voluit, & ordinavit, quod dictiones numerales, quæ in dictis Litteris ante Nonas, Idus, & Kalendas, immediate poni consueverunt, per litteras, & syllabas extense describantur, & illæ ex prædictis Litteris, in quibus hujusmodi dictiones aliter scriptæ fuerint, ad Bullariam nullatenus mittantur.

De concurrentibus in Datâ.

XVII. Item voluit, quod de concurrentibus in datâ ejusdem diei, super vacantibus, seu certo modo vacaturis Beneficiis, illi, quibus gratiæ, motu proprio conceduntur, cæteris simili modo gratias non habentibus, aliis graduati non graduatis, aut inter graduatos magis graduati, ac inter æqualiter graduatos prius graduati, nec non colorato titulo possessores, non possessoribus, ac inter personas alias in Curia præsentis, absentibus ab ea, ac inter præsentis non beneficiati beneficiatis, & similiter inter absentes, cæteris paribus oriundus non oriundo, & Dioecesanus non Dioecesanus; in reliquis verò singuli, qui prius Apostolicas desuper Litteras eorum Executoribus præfentaverint, aliis in ipsorum de quibus agi contigerit, Beneficiorum assensione præferantur.

De non tollendo Jus questum.

XVIII. Item ne per varias, quæ pro commissionibus, seu mandatis, & declarationibus habendis in causis plerumque sunt suggestiones, iustitia postponatur, idem D. N. decrevit, & declaravit suæ intentionis fore, quod deinceps per quamcunque signaturam seu concessionem, aut gratiam vel Litteras Apostolicas pro commissionibus, seu mandatis, aut declarationibus hujusmodi, etiam si Motu proprio, & ex certa scientia, ac etiam ante motam litem à Sanctitate suâ emanaverint, vel de ejus mandato faciendas, nulli Jus sibi questum quomodolibet tollatur.

Regula de viginti.

XIX. Item voluit, quod si quis in infirmitate constitutus resignaverit, sive in Romana Curia, sive extra illam, aliquod Beneficium, sive simpliciter, sive ex causa permutationis, vel aliâ dimiserit, aut illius commendæ cesserit, seu ipsius Beneficii unionis dissolutioni consenserit, etiam vigore supplicationis, dum esset sanus, signatæ, & postea infra viginti dies à die per ipsum resignantem præstandi consensûs computandos, de ipsâ infirmitate decesserit, & ipsum Beneficium, quavis auctoritate conferatur per resignationem sic factam, collatio hujusmodi sit nulla, ipsumque Beneficium nihilominus per obitum conferatur vacare.

De Idiome.

XX. Item voluit, quod si contingat tam in Curia, quam extra, alicui personæ de Parochiali Ecclesiâ, vel quovis alio Beneficio exercitium curæ animarum Parochianorum quomodolibet habente, provideri, nisi ipsa persona intelligat, & intelligibiliter loqui sciat idioma loci, ubi Ecclesiâ, vel Beneficium hujusmodi consistit, provisio, seu mandatum, & gratia desuper quoad Parochialem Ecclesiâ, vel Beneficium hujusmodi nullius sint roboris, vel momenti. Decernens irritum &c.

De non impetrando Beneficium per obitum viventis.

XXI. Item si quis supplicaverit sibi de Beneficio quocumque tamquam per obitum alicujus, licet tunc viventis, vacante provideri, & postea per obitum ejus vacet, provisio, & quavis dispositio, etiam vi-

gore alterius novæ supplicationis, vel gratiæ dicto supplicanti per obitum hujusmodi denuo faciendæ nullius sint roboris, vel momenti.

De Unionibus, & Unionum confirmatione.

XXII. Item voluit, quod petentes Beneficia Ecclesiastica aliis uniri, teneantur exprimere verum annum valorem secundum communem æstimationem, tam Beneficii uniendi, quam illius, cui uniri petitur, alioquin unio non valeat, & semper in unionibus commissio fiat ad partes, vocatis quorum interest. Et idem voluit observari in quibusvis suppressionibus perpetuis, concessionibus, dismembrationibus, & applicationibus, etiam de quibuscunque fructibus, & bonis Ecclesiasticis, ac etiam in confirmationibus unionum, singularumque dispositionum hujusmodi.

De mendicantibus transferendis.

XXIII. Item de mendicantibus transferendis, qui ad alios Ordines transierint pro tempore, voluit Constitutionem fel. rec. Martini Papæ V. Prædecessoris sui desuper factam, & in libro Cancellariæ descriptam, quæ incipit, Viam ambitiosæ cupiditatis &c. firmiter observari.

De malè promotis.

XXIV. Item de Clericis extra tempora à Jure statuta, sive ante ætatem legitimam, aut absque dimissoriis Litteris ad Sacros Ordines se promoveri facientibus pro tempore, etiam voluit Constitutionem piæ memoriæ Pii II. similiter Prædecessoris sui desuper editam, & in dictâ Cancellariâ Apostolicâ descriptam, quæ incipit, Cum ex Sacrorum Ordinum &c. pari modo observari.

De Monetâ.

XXV. Item declaravit idem Dominus Noster, quod libra Turonensium parvorum, & Florenus auri de Camera pro æquali valore in concernentibus Litteras & Cameram Apostolicam computari, & æstimari debeant.

De Beneficiis vacaturis per promotionem ad Ecclesias, & Monasteria.

XXVI. Item prædictus D. N. Papa voluit, decrevit, & ordinavit, quod quæcumque concessionem, gratiæ, & mandata, etiam motu proprio, & cum derogatione hujus Constitutionis, quæ ab eo pro quibusvis personis emanaverint, de providendo eis de quibusvis Beneficiis vacaturis per promotionem ad quarumcunque Ecclesiarum, & Monasteriorum regimina, si hujusmodi concessionem, & mandata diem promotionis promovendorum ipsorum præcellerint, nec non quæcumque collationes, provisiones, & dispositiones pro tempore faciendæ de præmissis & quibusvis aliis Beneficiis Ecclesiasticis secularibus, & regularibus, quæ per promovendos, vel assumendos ad quascunque Prælaturas inter illarum vocationis, & hujusmodi promotionis, vel assumptionis tempora simpliciter, vel causâ permutationis ubicumque resignari, vel aliâs dimitti contigerit, cum inde sequutis pro tempore sint cassæ, & irritæ, nulliusque roboris, vel momenti.

De non judicando juxta formam supplicationum, sed Litterarum expeditarum.

XXVII. Item cum ante confectionem Litterarum gratia Apostolica sit informis, voluit, statuit, & ordinavit idem Dominus Noster, quod Judices in Romanâ Curia, & extra eam pro tempore existentes, etiam si sint S. R. E. Cardinales, causarum Palatii Apostolici Auditores, vel quicunque alii non juxta supplicationum signaturam super quibusvis impetrationibus, nisi in dictâ Curâ dumtaxat sint commissiones iustitiam concernentes per Placet, vel per S. R. E. Viccancellarium juxta facultatem super hoc sibi concessam signatæ, sed juxta Litterarum super eisdem impetrationibus, & concessionibus confectarum tenores, & formas judicare debeant. Decernens irritum &c. Et si

Litteræ ipsæ, per præoccupationem, vel alias minus benè expeditæ reperiantur, ad illorum quorum interest instantiam ad Apostolicam Cancellariam remitti poterunt per ejus Officiales, quibus hujusmodi tenores, & formas restringere convenit, ad formas debitas reducendæ &c.

De Regulis Cancellaria producendis.

XXVIII. Item attendens D. N. Papa quòd super habendis de Cancellariâ Apostolicâ Regulis, & Constitutionibus inibi descriptis faciliter pereos qui in Romana Curia indiguerint, ad ipsam Cancellariam recursus dirigi potest, nec consultum foret, quòd super earumdem Regularum, & Constitutionum (quæ juxta varietatem concurrentium causarum, & negotiorum aliquoties immutari convenit) probando tenore, vel effectu testium plerumque tenacem desuper memoriam non habentium depositionibus statî deberet, voluit, statuit & ordinavit, quòd deinceps quilibet ex Auditoribus causarum Palatii Apostolici, & aliis, etiam si S. R. E. sint Cardinales, in ipsa Curia pro tempore deputatis auctoritate Apostolicâ Judicibus, etiam in causis actu pendentibus super hujusmodi tenore, vel effectu probando dumtaxat stet, fidemque adhibeat cedulæ, seu scripturæ, desuper à duobus Majoris Præsidentie, quòd danda sit, à tergo signatæ, & etiam à duobus aliis Litterarum Apostolicarum Abbreviatoribus in ipsa Cancellaria auscultatæ, & Vicecancellarij, seu dictam Cancellariam Regenti, manu subscriptæ, ut moris est, quidquid autem secus fieri contigerit, nullus sit roboris, vel momenti.

De subrogandis Colligantibus.

XXIX. Item D. N. cupiens litium succidere anfractus, & ne novi colligantibus adversarii dentur, providere, voluit, statuit, & ordinavit, quòd quoties deinceps aliquem super quovis Beneficio Ecclesiastico colligantem in jure, vel ad jus, si quod forsitan ejus adversario in dicto Beneficio competierit, subrogari contigerit (dummodo prædictus colligans in dicto Beneficio intrusus non fuerit, nec super eo contrâ dictum adversarium, postquam illud per triennium pacificè possederit lis tunc mota fuerit, aliorum quorumlibet de præmissis jure, si vè tunc vacet, vel cum vacaverit impetrationes, vel concessiones, etiam motu proprio infra mensem ante concessionem hujusmodi factæ nullius sint roboris vel momenti. Et nihilominus cupiens eorum fraudibus obviare, qui viventium Beneficia, illorum præsertim, quibus aut propter infirmitatem immineret vitæ periculum, impetrant, ut illis decedentibus tanquam Colligantes in eorum jurebus facilius subrogentur; voluit, ut deinceps nullus in jure, vel ad jus in Beneficio defuncti, quod illo vivente in casibus præmissis, vel similibus impetraverit, aliquo modo subrogetur, ac subrogatio, vel gratia, si neutri, si nulli, seu novæ provisionis, aut perinde valere, taliter impetranti nullatenus suffragetur, quòd etiam strictissimè observari mandavit in impetrationibus Beneficiorum per privationem, & amotionem, ex quibusvis criminibus, & excessibus forsitan perpetratis, etiam si, usque ad definitivam sententiam, quæ tamen in rem non transiverit judicatam processum foret.

De verisimili Notitiâ.

XXX. Item voluit, & ordinavit, quòd omnes gratiæ, quas de quibusvis Beneficiis Ecclesiasticis cum cura, & sine cura Secularibus, vel Regularibus per obitum quarumcunque personarum vacantibus, in antea fecerit, nullius roboris, vel momenti sint, nisi post obitum, & ante Datam gratiarum hujusmodi tantum tempus effluerit, quòd interim vacationes ipsæ de locis, in quibus personæ prædictæ decesserint, ad notitiam

ejusdem S. D. N. verisimiliter potuerint pervenisse.

Non valeant Commissiones Causarum, nisi Litteris expeditis.

XXXI. Item, quòd omnes, & singulæ Commissiones causarum, quas in antea fieri contigerit, obtentæ, vel occasione concessionum dumtaxat Apostolicarum de Beneficiis Ecclesiasticis gratiarum, super quibus Litteræ Apostolicæ confectæ non fuerint, ac processus desuper habendi nullius sint roboris, vel momenti.

De impetrantibus Beneficia per obitum familiarium Cardinalium.

XXXII. Item voluit, quòd impetrans Beneficium vacans per obitum familiaris alicujus Cardinalis, teneatur exprimere nomen, & titulum ipsius Cardinalis, si ille in Curia fuerit, ipsius ad id accedat assensus, alias desuper gratia sit nulla: & idem servari voluit, si Cardinales quomodolibet ab ipsa Curia absentes, & ubilibet etiam in locis infra duas Dietas vicinis degentes, familiamque, & lares in eadem Curia retinentes ab ipsa Curia recesserint ad summum quindecim dies verè & personaliter reverfi fuerint. Ita quòd Cardinalibus alias quam, ut præfertur, ex quacumque causâ quantumlibet necessaria, & hic necessariò exprimendâ absentibus, facultas præstandi consensum hujusmodi non competat, sed Beneficia hujusmodi ad liberam Sanctitatis Suae, & Sedis Apostolicæ provisionem, & dispositionem pertineant. Declarans Regulas, & Constitutiones suorum Prædecessorum, etiam à die earum editionis, & publicationis super assensu hujusmodi præstando, sic intellexas, & intelligendas fuisse. Irritumque &c. attentari decernens. Quodque si prædicti Familiares eorumdem Cardinalium familiares esse desierint, seu ad aliorum Cardinalium familiaritatem similem transferint quoad Beneficia, quæ familiaritate priori durante obtinuerint, & in quibus, vel ad quæ priori ipsa familiaritate durante jus eis competierit, Cardinales quorum prius familiares fuerint, suum debeant adhibere consensum. Declarans præsentem Constitutionem locum non habere in illis Beneficiis, quæ familiares ipsi, tempore obitus eorum in dicta Curia, vel extrâ eam obtinerent, aut antea obtinuerint, & ratione Officiorum per eos obtentorum dictæ dispositioni generaliter reservata, vel affecta fuisse apparet. Nec non illos quoad effectum dictæ Constitutionis familiares eorumdem Cardinalium censeri, qui ipsorum Cardinalium familiares, continui commensales ad minus per quatuor menses, computato etiam tempore ante promotionem ad Cardinalatum, fuisse probaretur. Decernens irritum &c.

Super eadem familiaritate.

XXXIII. Item D. N. ad evitandas lites, & contentiones, quæ ex præcedenti suâ Constitutione exoriri possent velligijs Prædecessorum suorum inherendo, voluit, statuit, & ordinavit, quòd si Beneficia, quæ per obitum familiarium continuorum Commensalium eorumdem Cardinalium, in futurum vacabunt, celsantibus Apostolicis reservationibus ad alterius Cardinalis collationem, vel aliam dispositionem pertinere deberent, in dictâ præcedenti Constitutione non comprehendantur, quoad hoc, ut in provisionibus talium Beneficiorum super expeditione Litterarum illius Cardinalis, cujus familiaris defunctus ille extitit, consensus requiri debeat. Sed Beneficia hujusmodi ad Collationem, seu quamvis dispositionem Cardinalis Ordinarii Collatoris, ut præfertur, liberè spectare censeantur. Et si apud Sedem Apostolicam Beneficia

hujus-

hujusmodi per obitum dictorum familiarium vacaverint; tunc in provisione talium Beneficiorum, super expeditione Litterarum illius Cardinalis exigatur consensus, si in Romanâ Curia præfens fuerit, ad quem eorumdem collatio, & dispositio, ut præfertur, pertinere deberet. Ita ut Cardinalis Ordinarius Collator, in concursu cum Cardinali Patrono semper præferri debeat, salvo tamen semper indultis concessis, & concedendis eisdem S. R. E. Cardinalibus. Decernens irritum &c.

Signatura per Fiat præferatur alteri per concessum.

XXXIV. Item voluit idem D. N. quod concurrentibus eadem die super quocumque Beneficio per Fiat, & Concessum signaturis, ex eis per Fiat etiam ut petitur, habens alteri per Concessum etiam motu proprio habenti præferatur, etiam si in illâ per concessum prægnantiores, & quantumlibet privilegiati vae essent clausulæ.

De Annali Possessore.

XXXV. Item S. D. N. ut improbi lites exquirentium motus reprimantur, voluit, & ordinavit, quod quicumque Beneficium Ecclesiasticum tunc per annum immediate præcedentem pacifice possedisset, & quod certo modo vacare prætenditur, deinceps impetraverit nomen, gradum, & nobilitatem possessoris ejusdem, & quot annis ipse illud possederit, ac specificam & terminatam, ex qua clare poterit constare, quod nullum ipsi possessori in dicto Beneficio jus competat, causam in hujusmodi impetratione exprimere, & infra sex Menses ipsum possessorem ad iudicium evocari facere, causamque ex tunc desuper infra annum usque ad sententiam definitivam inclusive prosecui debeat, & teneatur. Alioquin impetratio prædicta, & quæcunque inde sequuta nullius existat firmitatis. Et eadem impetrans de damnis, & interesse possessorem prædictum propterea contingentibus ei satisfacere, & si possessorem ipsum injuste, frivole, & indebitè molestare reperiatur existerit, quinquaginta florenos auri persolvere Camere Apostolicæ sit adstrictus, nec alius quam præmissæ vacationis modus etiam per Litteras si neutri, aut subrogationis, aut aliâs sibi quoad hoc, ut Beneficium hujusmodi eâ vice consequi, aut obtinere valeat, quomodolibet suffragetur, illudque nullatenus in antea litigiosum propterea censeatur. Quod etiam extendi voluit ad impetrantes Beneficia Ecclesiastica cujuscumque qualitatibus per privationem, & amotionem, vel aliâs propter commissâ excessus & crimina, vacantia, vel vacatura, & similiter ad impetrantes Beneficia tanquam vacantia per devolutionem.

De Triennali.

XXXVI. Item statuit, & ordinavit idem D. N. quod si quis quæcumque Beneficia Ecclesiastica quacunque sint, absque simoniaco ingressu, ex quovis titulo, Apostolicâ, vel ordinariâ collatione, aut electionis hujusmodi confirmatione, seu præsentatione, & institutione illorum, ad quos Beneficiorum hujusmodi collatio, provisio, electio, & præsentatio, seu quævis alia dispositio pertinet, per triennium, pacifice possederit (dummodo in Beneficiis hujusmodi, si dispositioni Apostolicæ ex reservatione generali in corpore Juris clausâ reservata fuerint, se non intruserit) super eisdem Beneficiis taliter possessis molestari nequeat, nec non impetrationes quaslibet de Beneficiis ipsis sic possessis factas, irritas, & inanes censi debere decrevit, antiquas lites super illis motas penitus extinguendo.

De non appellando ante sententiam definitivam.

XXXVII. Item idem D. N. ut finis litibus celerius imponatur, & litigantium parcatur sumpti-

bus, & expensis, suorum Prædecessorum Constitutionibus, & Statutis inhaerendo, statuit, & ordinavit, quod in causis pendentibus, & quas imposterum contigerit agitari, nulli ante definitivam sententiam liceat appellare, nec appellatio, si fuerit emissâ, debeat admitti, nisi ab interlocutoriâ, quæ vim habeat definitivæ, vel à gravamine minimè concernente negotium principale, quod non possit per appellationem à Definitivâ sententiâ reparari. Nullæque causæ appellationum committantur, nisi in commissione exprimat, quod interlocutoria vim definitivæ habeat, vel gravamen sit tale, quod in appellatione à Definitivâ non valeat reparari. Alioquin Appellationes, & Commissiones impostorum, & quicquid inde sequutum fuerit, nullius sint roboris vel momenti, commissionibus appellationum jam Judicibus præsentatis, & exhibitis in suo robore permanfuris, in quibus latis super eisdem sententiis secundò, vel ulterius ab eis non liceat appellare. Appellantes verò, & appellationes etiam ab interlocutoriis, & gravaminibus hujusmodi, suo, vel alterius nomine prosequentes, si succubuerint, ultra expensas, & damna, ad quæ reficienda de jure condemnatus compellitur, viginti florenorum auri poenâ multentur.

Non stetur Commissioni post Conclusionem.

XXXVIII. Item statuit, & ordinavit, quod in commissionibus de Justitiâ, seu mandatis etiam Consistorialibus, per eum, seu de ejus mandato, vel auctoritate in causis, in quibus conclusum existat, imposterum concedendis, etiam si in eis de conclusione hujusmodi implicite, vel explicitè mentio facta fuerit, nihil censeatur esse concessum, nisi per concessionem hujusmodi Commissionis, eidem conclusioni, si præfenti Regulæ, derogetur expressè.

De Litteris Religiosorum expediendis.

XXXIX. Item voluit, & ordinavit, quod si aliqui Religiosi petunt aliquod Beneficium ad nutum amovibile cum clausula, quod exinde pro solo nutu Abbatis, vel Superioris amoveri non possint, Litteræ quoad ipsam clausulam nullatenus expediantur, nisi idem D. N. ponat in signaturâ, quod non possit amoveri, vel ad partem clausulam ipsam concedat.

De Clausulâ ponendâ in Litteris permutationis Beneficiorum.

XL. Item, si committatur alicui Beneficii resignationis receptio, ponatur clausula; *Attente quæ provideas, &c.* Et si causâ permutationis resignationes hiant, ponatur clausula; *Quod neuter permutantium jus acquirat, nisi quilibet ipsorum jus habuerit in Beneficio per ipsum resignato.*

De supplendis defectibus.

XLI. Voluit, quod si petatur suppleri defectus in genere, nullatenus Litteræ desuper concedantur, nisi in petitione desuper hujusmodi defectus exprimantur, vel per Fiat ut petitur, supplicatio signata fuerit.

De derogatione Jurispatronatus.

XLII. Item voluit, quod super quovis Beneficio Ecclesiastico de Jurepatronatus Laicorum non expediantur Litteræ, nisi ponatur expressè, quod tale Beneficium tanto tempore vacavit, quod ejus collatio ad Sedem Apostolicam legitime est devoluta, vel quia tempus Patronis Laicis ad præsentandum à Jure præfixum lapsum existat, aut ad id Patronorum ipsorum accedat assensus. Et si per ipsum Jurispatronatus hujusmodi derogari contigerit, Jurispatronatus hujusmodi mentio dispositivè, ac specificè, &

determinatè, non autem conditionaliter fiat, si illud ad aliquem Regem, Ducem, Marchionem, vel alium Principem pertineat. Et si de hoc in Litteris provisionis, vel mandati de providendo dicto Beneficio, similis mentio facta non fuerit, non censeatur quomodolibet derogatum.

De Commendis.

XLIII. Item voluit, quòd nulli Seculari de Regulari, nec Religioso de Seculari Beneficiis Commenda detur, nisi in signaturâ per clausulam ad partem super petitione Commendæ hujusmodi de Commendâ ipsâ mentio fiat.

De Reformationibus.

XLIV. Item voluit, statuit, & ordinavit, quòd super quibuscumque Reformationibus signatis super impetrationibus quorumcumque Beneficiorum vacantium, vel certo modo vacaturorum, in quibus petitur, quòd Litteræ super primâ datâ expediri possint, si ex hujusmodi expeditione sub tali Datâ cuiquam videatur posse fieri præjudicium. Litteræ hujusmodi sub ipsâ primâ Datâ nullatenus expediantur, nisi Reformationes hujusmodi per Fiat sub primâ Datâ signatæ fuerint.

De Consensu in Resignationibus, & Pensionibus.

XLV. Item voluit, & ordinavit, quòd super resignatione cujuscumque Beneficii Ecclesiastici, seu cessione Juris in eo, quam in manibus suis vel in Cancellariâ Apostolicâ fieri contigerit, Apostolicæ Litteræ nullatenus expediantur, nisi resignans, vel cedens, præfens in Romanâ Curia fuerit personaliter, nisi alioquin per Procuratorem suum ad hoc ab eo specialiter constitutum, expeditioni hujusmodi in eadem Cancellariâ expresse consenserit, & juraverit, ut moris est. Et si ipsum Resignantem, seu cedentem pluries super uno, & eodem Beneficio in favorem diversarum personarum successivè consentire contigerit; Voluit Sanctitas Sua, quòd primus consensus tenere debeat, & alii posteriores consensus, ac Litteræ eorum prætextu etiam sub priori datâ expeditæ pro tempore nullius sint roboris, vel momenti, nec Litteræ reservationis, vel assignationis, etiam motu proprio cujusvis pensionis annuæ, super alicujus Beneficii fructibus expediri possint, nisi de consensu illius, qui pensionem persolvere tunc debet.

De Ingressu Religionis.

XLVI. Item, non dentur Litteræ super Beneficiis vacaturis per ingressum Religionis, nisi professio præcellerit datam desuper petitionis.

Non valet imperatio facta per modum in Cancellaria exprimentum.

XLVII. Item voluit, quòd si petatur aliquod Beneficium vacans per modum in Cancellariâ Apostolicâ exprimentum, talis impetratio non valeat, nec Litteræ desuper expediantur.

De executione faciendi.

XLVIII. Item voluit, statuit, & ordinavit, quòd quotiescumque per signaturam suam, vel de ejus mandato factam super exequendis aliquibus, cum adjectione proprii nominis, vel Dignitatis cujusvis, Judex datur, Litteræ desuper expediantur cum expressione, quòd idem Judex faciat per se ipsum.

De dispensationibus in gradibus Consanguinitatis.

XLIX. Voluit quòd in Litteris dispensationum super aliquo gradu Consanguinitatis, vel Affinitatis, aut aliâ prohibito, ponatur clausula, si mulier rapta non fuerit. Et si scienter, ponatur clausula addita in quaterno.

Super defectu Natalium.

L. Voluit, quòd in dispensationibus super defectu

natalium, quòd possint succedere in bonis temporaliibus, ponatur clausula; Quod non præjudicetur illis, ad quos successio bonorum ab intestato pertinere debeat.

Super Dispensationibus.

LI. Item, quòd per quancumque signaturam in quavis gratiâ, nullatenus dispensatio veniat, nisi specialiter exprimatur, vel dicta gratia totaliter effectum hujusmodi dispensationis concernat, vel aliâs nihil conferat, aut operetur.

Nulli suffragetur dispensatio nisi Litteris confectis.

LII. Item, cum concessionem super gratiis dispensationum quarumcumque, quibuscumque per ipsum D. N. concessarum, vel concedendarum per Regulas Cancellariæ Apostolicæ sint providè limitatæ, licet aliquando in petitionibus super hujusmodi concessionibus oblati, multa sint petita, ne quis talium concessionum prætextu, id dispensativè tenere, aut facere præsumat, ad quod concessionem hujusmodi se non extendant, voluit idem D. N. quòd nulla talis dispensatio cuiquam in judicio, vel extrâ suffragetur, antequam super eâ Litteræ Apostolicæ sint confectæ.

De Clausulis ponendis in Litteris Indulgentiarum.

LIII. Item voluit, quòd in Litteris Indulgentiarum ponatur, quòd si Ecclesiæ, vel Capellæ, aut aliâs aliqua Indulgentia fuerit concessa, de qua inibi specialis mentio facta non sit, aliâs hujusmodi Litteræ sint nullæ.

De Indulgentiis concessis ad Instar.

LIV. Item voluit D. N. quòd Litteræ super Indulgentiis non expediantur ad instar, nisi specificentur.

De exprimendo valore Beneficiorum in impetrationibus.

LV. Item voluit quòd in gratiis quas quibuscumque personis de Beneficiis vacantibus, seu certo modo vacaturis fieri contigerit, illorum, & aliorum quorumcumque Beneficiorum, quæ dictæ personæ tunc obtinuerint, seu de quibuscumque fuerit provisorium, vel concessum, aut mandatum provideri, verus annuus valor per marchas argenti, aut Sterlingorum, vel libras Turonen. parvorum, seu florenos auri, aut ducatos, vel uncias auri, seu aliam monetam secundum communem estimationem exprimatur, nisi personæ prædictæ Beneficia, quæ tunc obtinuerint, aut in quibus, vel ad quæ eis competit, juxta ipsarum oblationes, aut aliâs dimittere teneantur, alioquin gratiæ prædictæ sint nullæ; Et idem servetur in gratiis, quas à Sanctitate Suâ motu proprio emanare contigerit, quoad Beneficia tamen, de quibus per Sanctitatem Suam pro tempore providetur, seu provideri mandatur, aut aliâs disponitur, ac Litteris per quas pro tempore ad Ecclesiarum Patriarchalium, & Cathedralium, ac Monasteriorum regimina promotis conceditur, ut Monasteria, & alia Beneficia Ecclesiastica Secularia, & Regularia per eos obtenta, & in quibus, & ad quæ eis competit, retinere possint.

De Clausulis in Beneficiis vacantibus ponendis.

LVI. Voluit, & ordinavit, quòd quando providetur, seu mandat provideri alicui de Beneficio Ecclesiastico vacante, tunc dari poterunt clausulæ, si petantur, etiam si illud quovis modò &c. seu per Constitutionem Execrabilis vacet, & specialiter reservatum inter aliquos litigiosum sit, & ejus collatio devoluta fuerit, & si pro colligante, vel subrogationem, aut si neutri, vel si nulli &c. petente, si tunc lis specificè exprimatur, nec detur aliqua generalis reservatio dispositivè, nisi desuper in concessione specialis, & expressa, ac purè & non sub conditione mentio fiat, & tunc reliquæ reservationes ibi contentæ veniant. Si verò tempore expeditionis inde Litterarum generalis reservatio hujusmodi probari non possit, aut in novis provisionibus, seu pro colligantibus, si neutri, vel si nulli &c. sit expressum, quòd ab aliquibus asseritur, illi, cujus Beneficiū conceditur, Collectorem, vel unicū Subcollectorem

Abbreviatorem, vel familiarem, Notarium, aut dictæ Sedis Officiale fuisse, clausula ponatur, etiam si dictum Beneficium ex eo, quod talis Collector, vel unicus Subcollector, Abbreviator vel familiaris, Notarius aut dictæ Sedis Officialis fuit, dispositioni Apostolicæ generaliter reservatum existat, dummodo non sit in eo alii specialiter jus quæsitum. In reliquis verò nulla clausula detur, unde reservatio generalis elici possit, nisi desuper signatura per duplex Fiat signata sit, aut reservatio, vel aliàs specialiter habeatur.

*De expressione qualitaturn Beneficiorum in Impe-
trationibus.*

J. LVII. Item voluit, quod super Beneficiis Ecclesiasticis, de qualitatibus illorum videlicet, an Dignitates, Personatus, vel Officia sint, eisque imminuat cura animarum, & ad illa consueverint qui per electionem assumi, mentio fiat, aliàs gratiæ desuper factæ sint nullæ. Et si qualitates huiusmodi affirmativè, vel conditionaliter non exprimantur, negativa expressè desuper fiat in Beneficiis, quæ tales qualitates, vel ex eis aliquas consueverint habere.

*De Beneficiis vacantibus per contractum
Matrimonii.*

LVIII. Item si serveretur Beneficium per contractum Matrimonii, non dentur alii modi vacationum de futuro, nec censetur Beneficium reservatum specialiter, vel affectum, nisi sequatur matrimonium. Sed in Beneficiis per promotionem, aut ingressum Religionis, vel affectuonem vacaturis, ponatur clausula, etiam si non petatur. Cum Beneficia huiusmodi præmiis, vel aliàs quovis modo &c. præterquam per obitum obtinentis vacare contigerit, etiam si vacent. Decernens irritum &c.

De Clausulis ponendis in Litteris Religiosorum.

LIX. Item voluit, quod si petatur aliquem in Religionem recipi, & sibi de quovis Beneficio provideri per simplicem signaturam Fiat, Receptio huiusmodi dumtaxat detur adjecto, si petens idoneus sit, aut aliud Canonicum non obstat, & exprimat, si certus numerus Regularium sit ibidem, cui etiam non derogetur, nisi expressè concedatur, & si numerus iste non existat, ponatur. Dummodo receptionis locus huiusmodi nimium propterea non gravetur. Possintque Executores provisionis huiusmodi, ad receptionem emissionis professionis non expectato probationis anno procedere.

De translatione Religiosorum.

LX. Item, Regularis petat sibi de Beneficio ab aliquo Monasterio, vel alio regulari loco dependente, provideri, & appareat ex petitione huiusmodi, quod alterius Monasterii, vel loci Religiosus sit, licet ibi translatio non petatur, nihilominus illa veniat.

De clausula, Si est ita.

LXI. Item quod in Litteris super Beneficiis, per Constitutionem Execrabilis, vacantibus ponatur clausula, si est ita, similiter de quibuscumque narratis informationem facti requirentibus.

*Petenti provideri de vacaturo, dentur Litteræ de
vacanti.*

LXII. Item petenti sibi provideri de vacaturo, dentur Litteræ de vacanti, prout expedierit impetranti.

Revocatio Decimarum, & aliarum impositionum.

LXIII. Item, revocavit quascumque Decimarum, nec non subsidiorum, vigesimæ, & aliorum onerum impositiones ex quavis causâ emanatas (non tamen decimarum per fel. rec. Innocentium XI. Prædecesso-

rem Nostrium impositarum quarto Kal. Octobris Pontificatus ipsius anno septimo, & per eundem extensarum, seu indictarum ad aliud triennium per Litteras in forma Brevis sub die vigesima quinta Novembris anno millesimo sexcentesimo octuagesimo octavo Pontificatus ipsius anno tertio decimo, nec non aliarum Decimarum, subsidiorum, & onerum impositorum in subsidium expeditionis contra Turcas, & Orthodoxæ Fidei hostes) & quascumque facultates super Decimarum, vigesimæ, & onerum huiusmodi exactione, quibuscumque fructuum, & proventuum Camera Apostolicæ debitorum Collectoribus, & Apostolicæ Sedis Nunciis ab eisdem Prædecessoribus concessas. Suspendit quoque ad Suæ Sanctitatis, & Sedis Apostolicæ beneplacitum quascumque plenarias Indulgentias ab eisdem Prædecessoribus ex quavis causâ etiam expeditionis huiusmodi, si quæ per Nuncios, vel Quæstos deferbantur, non tamen ab eodem Innocentio Prædecessore per Litteras in formâ Brevis sub die tertiâ Decembris anno millesimo sexcentesimo octuagesimo quinto Pontificatus ipsius anno decimo concessas, nec non deputandi, & eligendi Confessores, qui plenariè absolvent, & alia faciant ad earundem Indulgentiarum suspensionem effectum, reliquasque facultates, ipsas Indulgentias quomodolibet concernentes, præterquam quoad ea, in quibus Indulgentiæ, & facultates in aliquâ sui parte sint sortitæ effectum. Ita ut illis, qui implentes iuncta eis in Litteris Indulgentiarum huiusmodi jam consequuti sunt facultatem eligendi Confessores, qui absolvent eos plenariè in mortis articulo, per huiusmodi suspensionem non præjudicetur, quin facultate ipsâ uti possint in futurum: Decrevit quoque irritum & inane quicquid facultatum revocarum earundem prætextu, imposterum contigerit attentari.

*Revocatio facultatum percipiendi pretium Offi-
ciorum.*

LXIV. Item revocavit, cassavit, & annullavit, ac irritas declaravit quascumque facultates percipiendi pretium Officiorum Romanæ Curie pro tempore vacantium in toto, vel in parte, quasvis concessiones, & collationes, aliasque dispositiones per fel. rec. Alexandrum VIII. aliosque Prædecessores de dictis Officiis etiam in die collationum, concessionum, & dispositionum earundem in antea vacaturis in favorem quarumcumque personarum, Ecclesiarum, Monasteriorum, piorum locorum, Collegiorum, seu eorum mensarum, etiam perpetuè, etiam in vim contractus, ex titulo oneroso, & sub quavis aliâ verborum formâ, quam, & præmissorum tenores pro expressis voluit, concessas, & factas, quoad officia, quæ post obitum dictorum Prædecessorum vacarunt, & in posterum quomodolibet vacabunt. Item revocavit quoque, cassavit, & annullavit, ac irritas declaravit quascumque Infeudationes, Investituras, Grantias, Concessiones quoquomodo, etiam Emphyteusim, ad tempus, seu in perpetuum, etiam motu proprio, & de plenitudine potestatis, accum quibuscumque derogatoriis derogatoriis (extrâ tamen Consistorium, & sine S. R. E. Cardinalium consilio, & consensu à die Constitutionis fel. rec. Pii PP. V. Prædecessoris sui super prohibitionem alienandi, & infeudandi Civitates, & loca S. R. E. sub datum Romæ apud S. Petrum anno incarnationis Dominicæ millesimo quingentesimo sexagesimo sexto, Quarto Kal. Aprilis, Pontificatus sui anno secundo, usque in præsentem diem, per quoscumque Romanos Pontifices suos Prædecessores, aut mandato, vel auctoritate eorum, quomodocumque, ac qualitercumque, & quovis colore factas, & concessas de Civitatibus, Terris, Oppidis, Castris, Artibus, & Locis S. R. E. & Sanctæ Sedis Apostolicæ, & tam mediâtè, quàm immediâtè subjectis, tunc videlicet de tempore dictarum Infeudationum, investiturarum, gratiarum, & concessionum pondum devolutis, nec non quascumque prorogationes, &

extensiones quarumcumque infeudationum, investiturarum, gratiarum, & concessionum de dictis Civitatibus, Terris, Oppidis, Castris, Arcibus, & locis tunc videlicet de tempore dictarum prorogationum & extensionum nondum finitarum quibuscumque personis cujuscumque gradus, status, & conditionis, & praeeminentiae, etiam Imperiali, Regali, Ducali, aut alia quavis praefulgeant Dignitate, etiam in vim contractus, & ex quocumque titulo, etiam oneroso, & per quascumque tam sub plumbo, quam in forma Brevis sub Annulo Piscatoris, aut etiam alias quomodocumque, & qualitercumque expeditas Litteras, ac sub quavis verborum forma, & praemissorum omnium tenores Sanctitas Sua pro expressis haberi voluit, latissime extendendos.

Quod fructus in tertia parte augeri possint vigore Clausulae.

LXV. Item cum nonnulli in impetrationibus Beneficiorum Ecclesiasticorum pro tempore vacantium, & ex certo modo vacaturorum, asserendo illorum fructus &c. certum per eos expressum annum valorem non excedere, nonnunquam obtineant à Sanctitate Sua, ut hujusmodi valorem annum augere possint, ut verius possit in confectioe Litterarum super hujusmodi impetrationibus super summa, aut valor annuus exprimi, aliter desuper non specificato, ne de veritate hujusmodi concessionis imposteriorum haeritari contingat, declaravit praetextu concessionis hujusmodi valorem ipsum usque ad tertiam partem valoris expressi, & in prima quae desuper fiet Litterarum expeditione dumtaxat augeri posse, & eas quas Litteris jam expeditis cum expressione valoris specificati, aut non integro augmento praedicto denuò desuper expediri contingerit Litteras, cum aliquo augmento valoris hujusmodi nullius esse roboris vel momenti, etiam si motu proprio beneficiales gratiae, & dispositiones quaecumque à Sanctitate Sua emanaverint.

De Infordescensibus.

LXVI. Item, ne personis, pro quibus Litterae Suae Sanctitatis emanabunt ob generalem absolutionem à censuris Ecclesiasticis, quibus ligati forent ad earum effectum indifferenter concedi, & in Litteris Apostolicis apponi solitam praestetur occasio censuras ipsas vilipendendi, & infordescendi in illis, statuit, & ordinavit hujusmodi absolutionem, & clausulam in Litteris, quas in futurum cum illa concedi contingeret, non parentibus rei judicatae, incendiariis, violatoribus Ecclesiarum, falsificatoribus, & falsificari procurantibus Litteras, & supplicationes Apostolicas, & illis urentibus, receptatoribus & fautoribus eorum, ac res veritas ad Infideles deferentibus, violatoribus Ecclesiasticae libertatis, via facti ausu temerario Apostolicis mandatis non obtemperantibus, & Nuncios, vel Exequutores Apostolicae Sedis, & ejus Officialium, ejus commissa exequentes, impedientibus, qui propter praemissa, vel aliquod eorum excommunicati à jure, vel ab homine per quatuor menses scienter excommunicationis sententiam hujusmodi substinerint. Et generaliter quibuscumque aliis, qui censuris aliquibus, etiam alias, quam ut praefertur, quomodolibet ligati in illis per annum continuum inforduerint.

Officiales nihil exigant ultra debitum.

LXVII. Item idem D. N. exactionibus, quas Sanctitas Sua non sine displicentia plerumque fieri intellexit per Officiales Romanae Curiae, qui constitutis sibi emolumentis pro exercitio Officiorum quae obtinent non contenti, ultra à prosequentibus negotiorum quorundam expeditionem in eadem Curia exigere non verentur, obviare volens, districte precipiendo inhibuit omnibus & singulis quavis officia in eadem Curia obtinentibus, ne de cetero quicquam praetextu Officiorum, quae obtinent, quo-

vis colore, etiam celerioris expeditionis, ultra emolumenta hujusmodi exigere, seu ad hunc effectum expeditionem eorum quae eis incumbunt, malitiose differre sub Excommunicationis, & praeter illam suspensionis à perceptione emolumentorum hujusmodi pro prima ad semestre, & pro secunda ad annum, & pro tertia vicibus, quibus sic excederent, privationis Officiorum per eos obtentorum, in quibus sic exceßerint poenis. Ac voluit, quod S.R.E. Vicecancellarius, & Camerarius excedentes ipsos respectivè, prout eis subfunt, per subtractionem emolumentorum eorumdem, ac alias, ut praefertur, compellant ab hujusmodi illicitis exactionibus abstinere, ac contra eos per praedictas poenas, & alias, prout melius expedire viderint, procedant.

Reservatio Beneficiorum vacantium Sede Apostolica vacante.

LXVIII. Item Sanctissimus D. N. providè considerans consuevisse quandoque Romanos Pontifices Praedecessores suos Beneficia, quae vacante Sede Apostolica vacare contingerant, dispositioni suae reservare, intendens de Beneficiis hujusmodi, tam Conclavistis, quam pauperibus Clericis, & aliis benemeritis personis providere, omnia, & singula Beneficia, per Regulas Cancellariae Apostolicae, aut quolibet alias Apostolicas Constitutiones temporales Romani Pontificis pro tempore existentis dispositioni quomodolibet, & ex quavis causa reservari solita, quae à die obitus fel. rec. Alexandri VIII. Praedecessoris sui, usque ad diem duodecimam Julii currentis vacaverunt, & de quibus per quoscumque Ordinarios Collatores, tunc dispositum non fuerat, seu minus validè dispositum fuerat, suae provisioni, ac dispositioni reservavit. Decernens irritum &c.

Revocatio Indultorum Supervenientia.

LXIX. Item, quia ad importunam nonnullorum suggestionem quandoque contigit, Praedecessores suos Romanos Pontifices pro tempore existentes sub contractum debitorum, vel diversis aliis praetextibus concessisse, & indulgisse Beneficiis, ut fructus suorum Beneficiorum, aut partem eorum anticipatis solutionibus ad tempus elocare, vel erga creditores, aut quascumque alias personas obligare, vel hypothecare, in solum dare, aut alias quomodolibet de eis disponere liceret, ad tempus minime restrictum ad vitam supplicantium, cum gravi Successorum praedictorum, & Ecclesiarum detrimento. Ideo indemnitati Ecclesiarum, & Successorum in Beneficiis hujusmodi salubriter consulere volens, revocavit, cassavit, & annullavit omnia, & singula indulta, & facultates in ea parte, qua nec dum verè, & realiter summi sortita sunt effectum, per quoscumque Romanos Pontifices Praedecessores suos hactenus ad favorem quarumcumque personarum concessas, quibus eis, vel eorum singulis ullo modo, & ex quavis causa, vel praetextu permittitur fructus certos, vel incertos, jura, obventiones, emolumenta quaecumque quorumbet Beneficiorum per eos obtentorum anticipatis solutionibus, ultra unicum annum elocare, arrendare, ad firmam, vel responsionem concedere, vel eos ad favorem quarumcumque personarum quomodolibet obligare, vel hypothecare, in solum dare, aut de eis quomodolibet, & ex quavis causa disponere pro tempore, ad vitam Beneficiatorum, & tempus quo Beneficia hujusmodi obtinuerint minime restricto, & coarctato, illorum tenores &c. Decernens irritum &c.

Quod Cardinales non comprehendantur sub Regulis faciendis.

LXX. Item, cum S. R. E. Cardinales S. D. N. assistant, ac propterea debeant specialibus prerogativis, & privilegiis gaudere; Idem D. N.

statuit,

statuit, ordinavit, decrevit & declaravit, quod in quibuscumque Constitutionibus, & Regulis per Sanctitatem Suam edendis non comprehendantur, neque comprehensi censentur ipsi Cardinales, nisi illae eorumdem Cardinalium favorem concernant, vel Constitutiones edendae de eorumdem Cardinalium, vel majoris partis eorum consilio editae fuerint, seu in eisdem Regulis, & Constitutionibus facta fuerit ipsorum Cardinalium expressa mentio.

Quod Regula Cancellariae non comprehendatur sub generalibus derogationibus.

LXXI. Item Sanctitas Sua statuit, & declaravit, quod praemissis, & quibuscumque aliis Regulis Cancellariae suo tempore edendis, ac publicandis, nunquam censetur derogatum in quibuscumque Constitutionibus, Litteris, Brevibus, Indultis, & aliis Ordinationibus Apostolicis, etiam motu proprio, & ex certa scientia emanatis, per quaecumque verba, & Decreta derogatoria, irritantia universalia, & amplissima, & clausulas, quantumvis efficacissimas, etiam derogatorias derogatorias, atque speciales, & individuae expressio vim habentes, & habentia, nisi facta fuerit de illis expressa mentio, & non aliter nec alio modo.

De Potestate Reverendissimi D. Vicecancellarii, & Cancellariam Regentis.

LXXII. Primò, quòd possit committere absolutionem illorum, qui ignoranter in supplicationibus, vel in Litteris Apostolicis aliquid scriberent, corrigerent, vel delerent.

Item, quòd possit corrigere nomina, & cognomina personarum, non tamen eorum, quibus gratiae, & concessionis sunt, ac Beneficiorum, dum tamen de corpore constet.

Item, quòd possit omnes causas beneficiales, etiam non devolutas committere in Curia, cum potestate citandi ad partes.

Item, quòd processus Apostolica auctoritate decretos aggravare possit cum invocatione brachii secularis, & sententias executioni demandari facere contra intrusos, & intrudendos per Litteras Apostolicas desuper conficiendas, & non alias.

Item, quòd possit signare supplicationes manibus duorum Referendariorum signatas, de Beneficiis Ecclesiasticis Secularibus, & Regularibus dispositioni Apost. generaliter non reservatis quorum cujuslibet valor centum Florenorum auri de Camera, vel totidem librarum Turonens. parvorum, seu totidem in alia monetâ secundum communem aestimationem, valorem annuum non excedet.

Item, quòd possit signare supplicationes etiam duorum Referendariorum manibus signatas de novis provisionibus, si neutri, & subrogationibus pro colligantibus, in quibus non detur clausula generalem relevationem importans.

Item, quòd possit ad Ordines suscipiendos aetatis prorogare terminos de dictis suscipiendis Ordinibus, usque ad proxima tunc à jure statuta tempora, in quibus sic aetati successivè ad ipsos Ordines promoveantur.

Placet Publicentur, & describantur. A.

Lectae, & publicatae fuerunt suprascriptae Regulae, Ordinationes, & Constitutiones, in Cancellaria Apostolica ab uno ex R. R. P. P. D. D. Majoris Praesidentiae Abbreviatoribus, Anno Incarnationis Dominicae millesimo sexcentesimo nonagesimo primo, die verò vigesima prima mensis Julii Pontificatus praebati Sanctissimi Domini Nostri Innocentii XII. Anno primo.

Confirmatio Decreti prohibitivi quorumcumque donationum, & remissionum post applicationem, seu rem judicatam ad favorem Fabricae Basilicae S. Petri de Urbe.

INNOCENTIUS PAPA XII.

Ad perpetuam rei memoriam.

§. 1. Cum sicut accepimus aliàs Venerabilis Frater Noster Alderanus Episcopus Ostien. S. R. E. Cardinalis Cybo nuncupatus Congregationis Venerabilium Fratrum Nostorum S. R. E. Cardinalium super negotiis Fabricae Basilicae Principis Apostolorum de Urbe deputatae Praefectus per suum Decretum, Die 6. Octobris 1688. editum declaraverit, mentem sel. rec. Innocentii Papae XI. Praedecessoris Nostri fuisse, quod nihil penitus à Fabrica praedicta donaretur, neque ad titulum elemosynae, alim ipsa ingenti aere alieno gravata dignoscatur, minusque Debitoribus, vel aliis quibuscumque supplicantibus pro compositione quicquam remitteretur post applicationem, & rem judicatam ad favorem dictae Fabricae, nisi confecto de vera paupertate, & impossibilitate solvendi, onerando conscientias Officialium, seu Deputatorum quorumcumque tunc, & pro tempore ad negotia ejusdem Fabricae existentium, & ita servari mandaverit. Nos inviolabili Decreti hujusmodi observationi, ac Fabricae supradictae, cujus cura praecipuo quodam jure Nobis incumbit, indemnitati, quantum cum Domino possumus consulere volentes. Motu proprio, ac ex certa scientia, & matura deliberatione Nostri, deque Apostolicae potestatis plenitudine, Decretum supradictum cum omnibus, & singulis in eo contentis tenore praesentium perpetuò approbamus, & confirmamus, illique inviolabilis Apostolicae firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus.

§. 2. Decernentes praesentes Litteras firmas, validas, & efficaces existere, & fore, suoque plenarios, & integros effectus fortiri, & obtinere, ac ab illis, ad quos spectat, & pro tempore quodocumque spectabit, inviolabiliter observari; Sicque, & non aliter in praemissis per quoscumque Judices Ordinarios, etiam Causarum Palatii Apostolici Auditores, ac Fabricae praefatae Congregationem, Officiales, & Ministros nunc, & pro tempore quodocumque existentes, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; Ac irritum, & inane si secus super his, à quoquam quavis auctoritate scienter vel ignoranter contigerit attentari. Non obstantibus Constitutionibus, & Ordinationibus Apostolicis, nec non Basilicae Principis Apostolorum, illiusque Fabricae praefatarum, & aliis quibuscumque etiam juramento, confirmatione Apostolica, vel alia quavis firmitate roboratis Statutis, & Consuetudinibus, Privilegiis quoque, Indultis, & Litteris Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, & ad verbum insertis habentes, illis aliàs in suo robore permanens, ad praemissorum effectum hac vice dumtaxat specialiter, & expressè derogamus, ceterisque contrariis quibuscumque. Dat. Romae apud S. Mariam sub Annulo Piscatoris die 31. Julii Pontificatus Nostri Anno Primo.

VII.

Fabrica S. Petri nihil potest donare neque per viam elemosynae.

Clausula sublata.

Derogatio contrariis.

P. A. I.
31. Julii
1691.